

REGLUGERÐ

um greiðslu almannatrygginga á lyfjakostnaði.

1. gr.

Tryggingastofnun ríkisins tekur þátt í lyfjakostnaði sjúkratryggðra einstaklinga samkvæmt reglugerð þessari, þegar um er að ræða nauðsynleg lyf, sem ávísað hefur verið af lækni (tannlækni) og afgreitt er í lyfjabúð eða af öðrum aðila, sem hefur leyfi til lyfjasölu samkvæmt lögum um lyfjadreifingu nr. 76/1982, og reglugerð nr. 172/1991 um (2.) breytingu á reglugerð nr. 27/1983 um staðsetningu lyfjabúða og lyfjaútibúa.

2. gr.

1. Tryggingastofnun ríkisins greiðir að fullu lyf, við eftirtöldum sjúkdómum sem sjúkratryggðum er brýn nauðsyn að nota að staðaldri, enda skulu lyfin auðkennd með „100“ eða „*“ í gildandi lyfjaskrá („100“ í sérlyfjaskrá og „*“ í lyfjaverðskrá I og II, sbr. ákvæði 13. og 32. gr. lyfjarlaga nr. 108/1984):

	ATC-flokkur:
a. Sykursýki	A 10
b. Dreyrasýki	B 02 B D
c. Diabetes insipidus	H 01 B A
d. Flogaveiki	N 03
e. Krabbamein	L
f. Parkinsonsjúkdómur	N 04
g. Gláka	S 01 E

3. gr.

Tryggingastofnun ríkisins greiðir að fullu, lyf fyrir sjúkratryggðan, sem honum er brýn nauðsyn að nota að staðaldri við eftirtöldum sjúkdómum, enda skulu lyfin auðkennd með „B“ í lyfjaskrá:

	ATC-flokkur:
a. Skjaldkirtilssjúkdómar	H 03 A H 03 B
b. Hjartasjúkdómar (hjartaöng, hjartsláttartrufl.)	C 01 C 07
c. Astma (asthma bronchiale chronica)	R 03
d. Alvarlegur psoriasis og exemsjúkdómur	D 05 D 07
e. Alvarlegir systemiskir bólgujúkdómar (Systemic lupus erythematosus, Rhematoid arthritis, Colitis ulcerosa)	A 07 E C H 02 A M 01 C P 01 B A
f. Alvarleg geðveiki, enda orsaki sjúkdómurinn óvinnu- færni. (neuroleptika, anti- depressiva)	N 05 A N 06 A

Við afgreiðslu þessara lyfja skal framvísa lyfjaskírteini, sem Tryggingastofnun ríkisins gefur út. Lyfjaskírteini má gefa út fyrir þá, sem notað hafa lyf í ofangreindum flokkum við sjúkdómnum í 6 mán. eða lengur. Skírteinið skal bera með sér hvaða lyf greiðast að fullu. Ef lyfjaskírteini er ekki fyrir hendi fer um greiðslu fyrir lyfið skv. ákvæði 6. gr. þessarar reglugerðar.

4. gr.

Í alveg sérstökum tilfellum (sjá dæmi) er Tryggingastofnun ríkisins heimilt að greiða að fullu lyf, sem sjúkratryggðum er nauðsynlegt að nota að staðaldri, þótt þau séu ekki auðkennd „100“, „*“ eða B í lyfjaskrá. Við afgreiðslu skal framvísa lyfjaskírteini sbr. 3. gr.

Dæmi:

- Alvarleg truflun á kyn- og innkirtlastarfsemi áunnin eða meðfædd t.d. Mb. Addisoni, meðfætt adrenogenital syndrome.
- Meðfædd efnaskiptatruflun (fibrosis cystica).
- Myasthenia gravis.
- Aðrir sjaldgæfir og sambærilegir sjúkdómar sbr. a.-c.
- Siendurteknar alvarlegar sýkingar.
- Þegar sjúkratryggðir eiga skv. lögum, öðrum en lögum um almannatryggingar, rétt á lyfjum án endurgjalds.

5. gr.

Tryggingastofnun ríkisins tekur ekki þátt í kostnaði við eftirtalin lyf og skulu þau auðkennd með „O“ í lyfjaskrá:

- Lyf, sem fánleg eru í lausasölu (merkt „L“ eða „U“ í lyfjaskrá).
- Lyf, í þeim ATC-flokkum, er hér eru taldir:

A 06 A	Hægðalyf
A 11	Vítamín
D 11 A X	Ýmis önnur húðlyf
J 06	Ónæmissermi (sera) og immúnóglóbúlín
J 07	Bóluefni (vaccina)
G 03 A	Hormónar notaðir til getnaðarvarna
R 01	Neflyf
R 02	Hálslyf
R 05	Hósta- og kveflyf

- Lyf í þeim ATC-flokkum, er hér eru taldir þó ekki stungulyf, en þau skal greiða skv. 6. gr.:

J 01 A	Tetracyklínsambönd
J 01 C	Breiðvirk penicillín
J 01 D	Cefalóspórínsambönd
J 01 E	Trímetóprím, þó ekki í blöndum með sulfónamíðum
J 01 F	Makrólíðar
J 01 H	Penicillín
J 03 A	Sulfónamíðar
J 03 B	Sulfónamíðar í blöndum með öðrum sýkingalyfjum
J 03 C	Önnur sýklalyf (chemotherapeutika)
N 05 B	Róandi lyf.
N 05 C	Svefnlyf.
P	Sníklalyf.

6. gr.

Af öðrum lyfjakostnaði en um getur í 2.–5. gr. er greiðslutilhögun svo sem hef segir, enda skulu lyfin auðkennd með „E“ í lyfjaskrá:

1. Fyrir hverja afgreiðslu (ordination) greiðir sjúkratryggður fyrstu 850 kr. en Tryggingastofnun ríkisins það sem vantar á fullt verð.
2. Elli- og örorkulífeyrisþegar skulu greiða fyrstu 250 kr. fyrir hverja afgreiðslu.
3. Ávísi læknir sjúkratryggðum lyfi sem skráð er í fylgiskjali með reglugerð þessari greiðir hann 500 kr. fyrir hverja afgreiðslu og elli- og örorkulífeyrisþegar 150 kr. Fylgiskjalinu má breyta með auglýsingu.

Með afgreiðslu (ordination) er hér átt við lyfjamagn, er svarar til 60 daga notkunar, miðað við notkunarfyrisögn læknis. Sé ávísað magn meira en nemur 60 daga notkun, ber sjúkratryggðum að greiða eitt gjald, sbr. 1. málsgrein, fyrir hvert 60 daga tímabil eða brot úr því. Ákvæði þessarar málsgreinar taka aðeins til lyfja til inntöku í afmældum lyfjaformum (töflur, hylki, skammtar), stungulyfja og lyfjaforma til inntöku, þar sem engin tvímæli eru um skömmtunarmagn (mixtúrur, dropar), en ekki til húðlyfja, öndunarfæralyfja né augn- og eyrnalyfja (ATC-flokkur D, R og S).

Sé heildarverð viðkomandi lyfs jafnt og eða lægra en þau mörk er um getur í þessari grein, greiðir sjúkratryggður það verð.

Lyf í ATC-flokki A 14 A (vefaukandi lyf), G 03 H (androgenar og blöndur) og V 06 D (önnur næringarlyf) skulu merkt „E.O“ í lyfjaskrá og greiðast skv. ákvæðum þessarar greinar, enda framvísi sjúklingur lyfjaskírteini útgefna af Tryggingastofnun. Ef skírteini er ekki fyrir hendi tekur Tryggingastofnunin ekki þátt í greiðslu lyfsins.

7. gr.

Tryggingastofnu ríkisins er, að fengnum meðmælum heilbrigðis- og tryggingamálaráðuneytisins, heimilt að taka þátt í kostnaði við óskráð sérlyf, sbr. 3. og 6. gr., sem flutt eru inn samkvæmt undanþágu, sbr. 8. gr. lyfjalaga nr. 180/1984.

8. gr.

Lyfjanefnd, sbr. 27. gr. lyfjalaga nr. 108/1984, gerir tillögur um greiðslutilhögun sérlyfja í samræmi við þær meginreglur, sem settar eru með reglugerð þessari.

9. gr.

Lyfjaskírteini sem gefin hafa verið út samkvæmt eldri reglugerð halda gildi sínu til áramóta 1991/1992.

10. gr.

Reglugerð þessi, sem sett er samkvæmt lögum nr. 67/1971 um almannatryggingar ásamt síðari breytingum, öðlast gildi 1. júlí 1991. Jafnframt fellur úr gildi reglugerð nr. 246/1982 með sama heiti, ásamt áorðnum breytingum.

Ákvæði til bráðabirgðalaga

Þar til gefið hefur verið út fylgiskjal skv. 3. tl. 1. mgr. 6. gr. gildir fylgiskjal sbr. augl. nr. 155/1991.

Heilbrigðis- og tryggingamálaráðuneytið. 7. júní 1991.

Sighvatur Björgvinsson.

Páll Sigurðsson.